

通鑑綱目

四十二之五


5 / 68  
 漢書門類

庫文閣内			
三三函	五九	漢	
一九架	九六七	書	
	九七冊	類	

漢書門			
九七	五九		
四一	九六七		
冊架函號類			

内閣文庫	
番號	漢 5967
冊數	97 ( 66 )
函號	283 35

六十九



綴じ部(喉部分)の文字など開きが不鮮明な箇所あり

資治通鑑綱目卷之四十二

淺草文庫

起丁酉唐中宗嗣聖十四年  
盡癸丑唐玄宗開元元年

凡十七年

丁酉十四年

周武氏神功元年

春正月帝在房州

質實

房州

注見漢獻帝建安二十四年房陵

○三月周總管王孝傑與契

丹戰敗死武攸宜不敢進

質實

契丹東胡種名注見晉安帝義

熙二年

○周立突厥默啜為可汗

突厥默啜請為其女求婚太后遣閭知微田  
歸道冊拜默啜為遷善可汗知微見默啜舞

豫章熊九臯刻

蹈歸道長揖不拜默啜因歸道將殺之歸道辭色不撓乃捨之但留不遣初唐處突厥降者於豐勝靈夏朔代六州至是默啜求之及單于都護府之地并穀種繒帛農器鐵姚璿楊再思請給之鳳閣侍郎李嶠曰此所謂借寇兵資盜糧也不如治兵以備之璿等固請乃悉驅六州降戶數千帳并給穀種四萬斛雜綵五萬段農器三千事鐵數萬斤并許其婚默啜由是益彊歸道得還與知微爭論於太后前歸道以為默啜必負約知微以為和親必可保

**質實**

突厥北狄國名注見梁武帝大同十一年可汗夷狄君長號注見漢

後主景耀四年豐勝靈夏朔代六州豐注見漢宣帝甘露二年五原勝注見隋文帝開皇十九年靈注見太宗貞觀二十年夏注見漢武帝元朔元年朔方朔注見漢高帝六年馬邑代注見秦王政三年鴈門李嶠贊皇人楊再思鄭州人單于夷狄君長號注見秦王政三年

### 夏四月周鑄九鼎成

九鼎成置通天宮豫州鼎高丈八尺受千八百石餘州高丈四尺受千二百石各圖山川物產於其上共用銅五十六萬七百餘斤令宰相諸王帥宿衛兵十餘萬人自玄武門曳入

**質實**

九鼎注見周慎靚王五年豫州注見漢光武建武十九年

**書法** 三年書鑄大儀矣八年書鑄天樞矣於是復書鑄九鼎焉終綱目書鑄六

詳新莽天鳳四年而后居其三亦泰甚矣哉

### 周以王及善為內史

王及善已致仕會契丹作亂起為滑州刺史太后召見問以朝廷得失及善陳治亂之要十餘事太后曰外州未事此為根本卿不可出留為內史

**質實**

王及善邯鄲人滑州

注見隋恭帝皇泰二年

### 周遣武懿宗婁師德擊契丹○六月周殺其右

### 司郎中喬知之

知之有美妾曰碧玉武承嗣奪之知之作綠珠怨詩以寄之碧玉赴井死承嗣得詩於裙帶大怒諷酷吏羅告族誅之

**集覽**

綠珠晉石崇有妓妾名綠珠孫秀求之弗得乃羅告注見

**質實**

羅告注見

**發明**

喬知之族誅而綱目止以殺書者何哉知之溺一愛妾遂至淪陷其族故

綱目未減偽周之罪蓋怨周所以惡喬也其旨微矣

### 周來俊臣伏誅

來俊臣倚勢貪淫士民妻妾有美者百方取之。前後羅織誅人不可勝計。自言才比石勒。監察御史李昭德素惡之。俊臣遂誣昭德謀反。下獄。又欲羅告諸武及太平公主與皇嗣。廬陵王南北牙同反。諸武及太平公主共發其罪。繫獄。有司處以極刑。奏上三日不出。王及善曰：俊臣國之元惡，不去之，必動搖朝廷。吉頊曰：俊臣聚結不逞，誣構良善，贓賄如山，冤魂塞路，國之賊也。何足惜哉！太后乃下其奏。昭德、俊臣同棄市。時人無不痛昭德而快俊臣。仇家爭噉其肉。士民相賀曰：自今眠者背始帖席矣。俊臣方用事，選司受其屬請，不次除官者每銓數百人。俊臣敗，侍郎皆自首。太后責之，對曰：臣亂國家法，罪止一身。逮俊

臣語立見滅族

太后乃赦之

**集覽**

南北牙唐分宰相為兩司，故稱南牙宦寺為北

司，故稱

**質實**

石勒武鄉人有豪志，因晉亂起兵，割據都襄國，自稱趙王，不逞

注見梁武帝太清三年棄

市注見秦始皇三十四年

**書法**

武氏殺人多矣，自永徽書房遺愛以後四十四年無書伏誅者，武氏所殺

多非罪也。於是始書來俊臣、後書閻知微、俊臣誣陷善人，知微受虜，偽號皆大罪人也。故特

書誅

**發明**

武氏殺人多矣，獨俊臣死得其罪，故以伏誅書之。雖然是時監察御史李

昭德與俊臣同死綱目何以畧而不書曰武氏亂唐大夫士稍知愛重者必有以自處其身奚至駢首受戮故綱目於武氏殺戮之事或書或不書其書之者所以著武氏之惡其不書者所以示不滿時人之意此固書法之深旨君子所當加察者也

### 契丹軍潰斬孫萬榮以降

武懿宗軍至趙州聞契丹將至冀州懼而南遁契丹遂屠趙州孫萬榮於柳城西北依險築城留其老弱婦女引精兵寇幽州突厥默啜襲其新城三日克之盡俘以歸時萬榮方與唐兵相持軍遂大潰奴斬其首以降餘衆降於突厥

**質實**

趙州注見漢景帝三

年趙國冀州注見秦二世二年信都柳城注見漢獻帝建安十三年幽州注見高祖武德四年

### 周以武承嗣武三思同三品○周遣武懿宗等

### 安撫河北

武攸宜自幽州凱旋制以契丹初平命武懿宗婁師德狄仁傑分道安撫河北懿宗所至殘酷奏請族誅河北百姓從賊者左拾遺王求禮廷折之曰此屬素無武備力不勝賊苟以求生而已豈有叛國之心懿宗擁彊兵數十萬望風退走賊徒滋蔓又欲移罪於草野

註誤之人為臣不忠請先斬懿宗以謝河北  
懿宗不能對司刑卿杜景儉亦曰此皆脇從  
請悉原之  
太后從之  
**質實** 王求禮許州人註誤注  
見漢元帝建昭二年

### 秋九月周以魏元忠為肅政中丞

太后謂侍臣曰頃者周興來俊臣按獄多連  
引朝臣云其謀反朕使近臣就獄引問皆自  
承服朕不復疑今自興俊臣死不復聞有反  
者然則前死者不有冤耶夏官侍郎姚元崇  
對曰比來坐謀反死者率皆興等羅織陛下  
使近臣問之近臣亦不自保何敢動搖今賴  
天啓聖心興等伏誅臣以百口為陛下保自  
今內外之臣無復反者矣時人多為魏元忠

訟寃太后復召  
**質實** 羅織注見景龍元年陸  
為肅政中丞  
下注見漢光武建武二

年十七

### 冬閏十月以狄仁傑同平章事

仁傑上疏曰天生四夷皆在先王封畧之外  
故東拒滄海西阻流沙北橫大漠南阻五嶺  
此天所以限夷狄而隔中外也今三代聲教  
之所不及者國家盡兼之矣若復邀功絕域  
不務安人此秦皇漢武之所行非五帝三王  
之事業也近者頽歲出師西戍四鎮東戍安  
東調發日加百姓虛弊今關東饑饉蜀漢逃  
亡人不復業相率為盜本根一搖憂患不淺

昨貞觀中克平九姓復立思摩使統諸部得推亡固存之義無遠戍勞人之役此近日之令典經邊之故事也竊謂宜立斛瑟羅委之四鎮繼高氏絕國使守安東省軍費於遠方并甲兵於塞上使夷狄無侵侮之患則可矣何必窮其窟穴與螻蟻較長短哉但當救邊兵謹守備遠斥候聚資糧待其自致然後擊之以逸待勞則戰士力倍以主禦客則我得其便堅壁清野則寇無所得如此數年可使三虜不擊而服矣時蜀州每歲遣兵戍姚州路險而遠死亡者多蜀州刺史張東之上言姚州荒外自以為州未嘗得其鹽布之稅甲兵之用而空竭府庫驅率平人受役蠻夷肝腦塗地臣竊為國家惜之請并瀘南諸鎮一

切廢省置闕瀘北非奉使者

無得交通往來疏奏不納

**集覽**

斛瑟羅名也姓阿史

那氏嗣聖三年太后以為繼往絕可汗

**質實**

滄海即東海神僊傳麻姑為王方平

言自接待以來見滄海三為桑田又注見漢

光武建武七年流沙河名注見漢元帝初元

三年五嶺注見秦始皇三十三年四鎮注見

德宗建中二年安東鎮名注見漢武帝元封

二年朝鮮饑饉注見隋煬帝大業十二年推

亡固存注見漢宣帝黃龍元年高氏絕國高

氏謂高璉之後注見漢武帝元封二年朝鮮

張東之襄陽人斥候注見漢武帝元封元年

蜀州注見宋文帝元嘉九年崇慶一統志云

姚州本滇國地漢初為弄棟縣屬益州郡東



漢改為枋棟縣蜀漢屬雲南郡唐麟德初置姚州都督府以其民多姓姚故名天寶中南詔蒙氏改為弄棟府宋時段氏改為姚州元立統矢千戶所至元中復改置姚州屬大理路天曆間陞為姚安路本朝初改路為府後又改姚安軍民府隸雲南道瀘北瀘水之北注見漢後主建興五年瀘南注亦同上

**書法**

仁傑進用例書周以恒辭也此其不而中宗始有請行宮之名綱目於其始相特不書周所以表其為唐也故終太后之世惟狄仁傑同平章事不書周惟張柬之同平章事不書周皆心乎唐者也他日帝

既在東都周之復為唐已決則書周以狄仁傑兼納言無嫌矣

**周以李嶠知天官選事**

始置員外官數千人

戊十五年

周武氏聖曆元年

春三月帝還東都

武承嗣三思營求為太子狄仁傑從容言於太后曰太宗櫛風沐雨親冒鋒鏑以定天下傳之子孫大帝以二子託陛下陛下今乃欲移之他族無乃非天意乎且姑姪之與母子孰親陛下立子則千秋萬歲後配食太廟立姪則未聞姪為天子而祔姑於廟者也太后

曰此朕家事卿勿預知仁傑曰王者以四海為家四海之內何者不為陛下家事况元首股肱義同一體臣備位宰相豈得有所不預知乎因勸太后召還廬陵王太后意稍寤他日又謂仁傑曰朕夢大鸚鵡兩翼皆折何也對曰武者陛下之姓兩翼二子也陛下起二子則兩翼振矣太后由是無立承嗣三思之意吉頊與張易之昌宗為控鶴監供奉頊從容說二人曰公兄弟貴寵天下側目不有大功何以自全二人懼問計頊曰天下未忘唐德主上春秋高公何不勸立廬陵王以慰人望如此豈徒免禍亦可以長保富貴矣二人以為然承間屢為太后言之太后乃託言廬陵王有疾遣使召之及其妃子皆請行在

嗣怏怏遂發病死胡氏曰歸廬陵王狄仁傑雖首言之太后未許也及頊為二張謀后意乃定然則頊功為多而當時及後世稱復唐之功者特歸仁傑而不歸之頊何也人臣建策効計當原其心誠為國邪策雖不就君子予之心不在國假善以濟其私功雖幸成君子不與也狄公精忠惟復唐室是念其請歸廬陵王太后雖未之許然心已開悟矣吉頊之計太后雖即行之然其心乃本教二張以長保富貴之術耳又况狄公之請已在前乎

**集覽**

控鶴監供奉官名也唐百官志控鶴府有監有丞及主簿錄事等監三品嗣聖

十七年改

**質實**

為奉宸府五年從容注見周世宗顯德

三年鸚鵡鳥名注見太宗貞觀五年行在注  
見晉惠帝永興元年怏怏注見漢光武建武  
年二

**書法**

前書築神都外城矣此其復稱東都  
何正名也神都武氏所改既書周則  
雖書神都可也今帝既還反正有日黜偽  
號而復舊名所以正始也一字之謹嚴如  
此哉

**發明**

綱目之於褒貶有坦然明白者有微  
詞奧義寓於其中者武氏未改國號  
以前凡用人皆書太后自改號後皆書周  
然去年狄仁傑同平章事獨不書周何也

蓋廬陵之歸自仁傑為相之後從容進說  
切而不迫卒能感悟武氏遂有復還唐社  
稷之意故綱目於此先書以仁傑平章事  
不繫之周則明其本志為唐非武氏得而  
臣之繼書帝還東都字於其下則見復唐  
之績原於仁傑為相之後此其微詞奧義  
寓於其中要在後人深求而得之者也不  
然仁傑他時進用皆書曰周何獨於此而  
不書  
周哉

**秋八月突厥默啜寇媯檀等州**

初太后命武承嗣之子淮陽王延秀入突厥  
納默啜女為妻復遣聞知微齎金帛巨億以

送之鳳閣舍人張柬之諫曰自古未有中國親王娶夷狄女者由是忤旨出刺合州延秀至突厥默啜謂曰我欲以女嫁李氏安用武氏兒邪我突厥世受李氏恩聞李氏盡滅唯兩兒在我今將兵輔立之乃拘延秀以知微為南面可汗言欲使之主唐民也發兵寇媯檀等州移書數朝廷曰與我蒸穀種器行濫帛疎惡且我可汗女當嫁天子兒武氏小姓門戶不敵罔冒為婚我為此起兵欲取河北耳河北諸州聞之爭發民修城衛州刺史敬暉曰吾聞金湯非粟不守奈何捨收穫而事城郭乎罷使歸田百姓大悅

**集覽**

器行

日行苦  
惡曰窳  
**質實**  
淮陽縣名注見梁武帝太清元年真陽合州注見漢光武建武

十一年墊江媯檀等州媯注見晉懷帝永嘉五年廣甯檀本秦漢時漁陽郡地後魏置密雲郡領白檀要陽密雲三縣兼置安州非齊廢郡以二縣併入密雲縣後周改安州曰玄州隋初置檀州後改為安樂郡唐初復置檀州遼為武威軍宋號橫山郡金復改檀州元仍舊本朝初改為密雲縣屬順天府衛州注見秦莊襄王三年汲敬暉絳州平陽人可汗夷狄君長號注見漢後主景耀四年金湯非粟不守注見太宗貞觀十七年

# 周以狄仁傑兼納言

通鑑綱目卷一百一十一

十一

太后命宰相各舉尚書郎一人仁傑舉其子光嗣拜地官員外郎已而稱職太后喜曰卿足繼祁奚矣通事舍人元行冲博學多通仁傑重之行冲數規諫仁傑且曰凡為家者必有儲蓄脯醢以適口參朮以攻疾僕竊計明公之門珍味多矣行冲請備藥物之末仁傑笑曰吾藥籠中物

**集覽**

足繼祁奚左傳襄三

何可一日無也老晉侯問嗣焉祁奚舉其子祁午以自代君子謂祁奚於是能舉善矣立其子不為比今狄仁傑舉其子光嗣而稱職足可繼祁奚不比之美矣參朮本草人參味甘微寒微温丹參沙參皆味苦微寒苦參味苦寒玄參味苦鹹微寒爾雅朮山薊注朮一名山薊今朮以

薊而生山中白朮味苦甘温蒼朮味苦甘

**質實**

一統志云祁奚晉人悼公時為中軍

尉請老公問代之者稱解狐其讎也狐卒又問對曰臣之子午也可羊舌職死公問孰可代之者對曰赤也可於是使祁午為中軍尉羊舌赤佐之君子謂奚稱其讎不為諂立其子不為比舉其偏不為黨平公立起奚為公族大夫納言官名注見漢靈帝光和元年

**周以武攸寧同三品○九月突厥陷趙州周刺**

**史高叡死之**

默啜圍趙州長史唐般若翻城應之刺史高叡與妻秦氏仰藥詐死虜與請默啜以金獅

子帶紫袍示之曰降則拜官不降則死叡顧其妻妻曰酬報國恩正在今日遂俱閉目不言再宿虜乃殺之虜退唐般若族誅贈叡冬官尚書謚曰節

**集覽**

唐般若唐姓也

名般若般若

**質實**

翻城猶言踰城也高叡京兆萬年人

**書法**

許欽明不書周不以周之臣累之也高叡以死節書其過欽明多矣書曰

周刺史何帝在東都則周之為唐決矣雖書周無嫌也

### 周武氏以帝為皇太子河北道元帥狄仁傑副

### 之以討默啜

皇嗣固請遜位於廬陵王太后許之立為太子復名顯賜姓武氏命太子為河北道元帥以討突厥先是募人月餘不滿千人及聞太子為帥應者雲集未幾數盈五萬時太子不行命仁傑知元帥事王及善請太子赴外朝以慰人心從之突厥盡殺所掠趙定男女萬餘人而去仁傑將兵追之不及默啜還漠北擁兵四十萬據地萬里西北諸夷皆附之有輕中國

**質實**

趙定二州名趙注見漢景帝三年趙國定注見周威烈王二十

三年 中山

**書法**

皇太子書立恒也未有書以者書以為皇太子何帝矣而為太子非所以

也故不從恒辭

### 周以蘇味道同平章事

味道在相位依阿取容嘗謂人曰處事不宜明白但摸棱持兩端可矣時人謂之蘇摸棱

**集覽**

摸棱摸擦捫擦也棱盧登反四方木摸之可左可右僉載曰味道為相或問其

變和之道無答但以手摸牀棱

### 冬十月周以武懿宗武攸歸領屯兵○周以狄

### 仁傑為河北道安撫大使

時河井人為突厥所驅逼者虜退懼誅往往

亡匿仁傑上疏曰邊塵暫起不足為憂中土

不安此為大事諸為突厥契丹脇從之人皆

是計逼情危且圖賒死今且潛竄山澤露宿

草行罪之則眾情恐懼恕之則反側自安伏

願曲赦河北諸州一無所問制從之仁傑於

是撫慰百姓得突厥所驅掠者悉遞還本貫

散糧運以賑貧乏修郵驛以濟旋師自食疏

糲禁其下不得侵擾百姓犯者必斬河北遂

安胡氏曰陳子昂諫說武氏其論亦美而或

者譏其失言謂武氏不可與言而言也狄公

不幾與子昂比乎曰人之語默行止有事同

而情異者此屬是也武氏已老太子既在東

宮天下必復歸唐狄公所為懇懇恐百姓虛

獎根本動搖  
為唐計耳

**質實**

東宮注見宋文帝  
元嘉二十七年

周以姚元崇同平章事○周閻知微伏誅以田

歸道為夏官侍郎

默啜縱知微使還太后命磔於天津橋南使  
百官共射之夷其三族擢歸道為夏官侍郎

甚見

**集覽**

磔陟陌反裂也裂其支體而殺之  
史記磔作砮正義音貯格反索隱

曰砮與磔同  
古今字異耳

**質實**

天津橋注見隋煬  
帝大業十三年

十一月周以豫王田為相王

**質實**

相州名注見  
漢元帝建昭

二年  
魏郡

**書法**

且嘗為皇嗣矣於是廢之則不書廢  
何不予武氏之立之也故且終始書

豫王自皇帝廢為皇嗣書以  
自皇嗣廢為相王亦書以

○周置控鶴監

控鶴監率皆嬖寵之人頗用才能文學之士  
田歸道李迥秀薛稷員半千以參之半千以

古無此官請罷  
之遂忤旨左遷

**集覽**

員半千員王問  
反姓也名半千

**質實**

李迥

秀涇陽人大亮族孫薛稷汾陰人道衡曾孫  
員半千齊州全郎人左遷注見漢宣帝元康



二年

十二月周以魏元忠同平章事○周貶宗楚客

為播州司馬

**質實**

播州注見漢武帝元光五年牂牁

巳亥

十六年

周武氏聖曆二年

春正月帝在東宮○二月

周遣使禱少室山

太后不豫遣給事中間朝隱禱少室山朝隱自為犧牲沐浴伏俎上請代太后命太后厚

賞

**集覽**

犧牲祭天地宗廟之牲曰犧卜得吉曰犧牲記曲禮天子以犧牛注犧純毛

也左傳僖三十一年牛卜日曰牲注既得吉日則牛改名曰牲

**質實**

不豫猶言不安

也少室山注見嗣聖十二年嵩山

吐蕃贊婆弓仁降周

初吐蕃贊普器弩悉弄尚幼論欽陵兄弟用事皆有勇畧諸胡畏之欽陵居中秉政諸弟握兵分據方面贊婆常居東邊為中國患者三十餘年器弩悉弄浸長陰與大臣論巖謀誅之會欽陵出外贊普殺其親黨二千餘人欽陵自殺贊婆率所部千餘人欽陵子弓仁以所統七千帳來降

**集覽**

贊婆欽陵長弟名論巖巖名也論注見嗣聖十七年

**質**

**實**吐蕃西羌屬名注見太宗貞觀八年

**書法**突厥默啜遣使請降不書周不為周降也此其書降周何帝在東宮則周之為唐也決矣雖書降周無嫌也

### 帝及武攸暨等誓于明堂

太后自以春秋高慮身後太子與諸武不相容命太子相王太平公主與武攸暨等誓於明堂銘**集覽**太子相王太子謂中宗也相王之鐵券即豫王旦鐵券漢書高祖與功臣剖符作誓丹書鐵券注謂以鐵鑄之朱書字也國之所以示信後唐明宗問趙鳳曰帝王賜人鐵券何也對曰與之立誓令其子孫長享爵祿耳

**質實**明堂注見漢武帝建

元元年

### 秋八月周以王及善為文昌左相

內史王及善雖無學術然清正難奪有大臣之節張易之兄弟每侍內宴無復人臣之禮及善屢以為言太后不悅謂及善曰卿高年不宜更侍遊宴及善遂乞骸骨太后不許以為左相罷政事

### 周納言婁師德卒

**考證**當分註謚曰貞○謹按武氏之亂仕于其朝者

皆偽官也。然能引薦忠賢卒成匡復之功者，惟狄仁傑一人耳。然而薦仁傑者，婁師德也。况師德寬厚清慎，盛德長者，卒謚曰貞，非虛美之稱，故當註其謚云。

師德在河隴前後四十餘年，恭勤不怠，民夷安之。性沈厚寬恕，狄仁傑之入相也，師德實薦之。而仁傑不知意，頗輕之。太后嘗問仁傑曰：師德賢乎？對曰：為將能謹守邊陲，賢則臣不知。又曰：師德知人乎？對曰：臣嘗同僚，未聞其知人也。太后曰：朕之知卿，乃師德所薦也。亦可謂知人矣。仁傑既出，歎曰：婁公盛德，我為其所包容久矣，吾不得窺其際也。是時羅織紛紜，師德久為將相，獨能以功名終人，以是重之。

**質實**

河隴謂河西隴，右注見漢

靈帝中  
平三年

### 周以武三思為內史○河溢

漂千餘家

### 周以韋嗣立為鳳閣舍人

太后稱制以來，學校殆廢。酷吏所陷親友，流離未獲，原宥嗣立上疏曰：時俗浸輕，儒學先王之道，弛廢不講。宜令三公以下子弟皆入國學，不聽以他岐仕進。又酷吏乘間殺人，求進至如仁傑、元忠，枉遭按鞫，亦皆自誣。非陛下明察，則已為菹醢矣。今陛下升而用之，皆

通鑑綱目卷之二十一

七

為良輔臣恐擯之負寃得罪者亦皆如是伏望一皆昭洗死者追復官爵生者聽還鄉里如此則天下皆知昔之枉濫非陛下之意幽冥欣歡和氣感通矣不從嗣立承慶之異母弟也母王氏遇承慶甚酷每杖承慶嗣立必解衣請代母不許輒私自杖母為稍寬承慶為鳳閣舍人以疾去職嗣立

**集覽**

菹醢菹臻魚反字本

**質實**

韋嗣立陽武人思謙之子一統

入博城縣後復置屬兗州宋初因之後又增置萊蕪監金廢監以縣屬泰安州元仍舊本朝因之改屬濟南府

### 突厥默啜以其子匍俱為小可汗

默啜立其弟咄悉匍為右廂察骨篤祿子默矩為左廂察各主兵二萬餘人其子匍俱為小可汗位在兩察上主處木昆等十姓兵四萬餘人又號為拓西可汗

### 冬十一月周貶吉頊為安固尉

太后以頊有幹畧以為同平章事委以腹心頊與武懿宗爭趙州之功於太后前頊魁岸

辯口懿宗短小偃僂項視懿宗聲氣凌厲太  
后由是不悅曰項在朕前猶卑諸武况異時  
詎可倚耶他日項奏事方援引古今太后怒  
曰卿所言朕既聞之無多言昔太宗有馬肥  
逸無能馭者朕為宮女進言曰妾能制之然  
須三物一鐵鞭二鐵槌三七首鞭之不服則  
搃其首搃之不服則斷其喉太宗壯朕之志  
今日卿豈足汗朕七首邪項皇恐謝諸武因  
共發其第冒官事由是坐貶辭日得召見涕  
泣言曰臣永辭闕庭願陳一言太后問之項  
曰合水土為泥有爭乎太后曰無之又曰分  
半為佛半為天尊有爭乎曰有爭矣項頓首  
曰宗室外戚各當其分則天下安今太子已  
立而外戚猶為王此陛下驅之使他日必爭

兩不得安矣太后曰朕亦知之然業已如是不可如何

**集覽**

魁岸雄傑貌前漢江

充為人魁岸注魁大也岸者有廉稜如崖岸  
之形偃僂偃於武反背曲也僂力矩反庭也  
廣韻注偃僂不伸也莊子一命而偃再命  
而僂林希逸口義云偃背曲也僂腰曲也

**實**

一統志云安固晉之縣名屬臨海郡太康  
初析置始陽縣尋改曰橫陽隋省之唐復

置安固縣乾元中改為平陽縣宋因之元陞  
為州本朝初復改為縣屬温州府爭趙州  
之功事在嗣聖十四年然業已如是業已注見漢王邦元年

# 十二月周同平章事陸元方罷

通鑑綱目卷四十三 唐高宗顯慶三年  
太后問元方以外事對曰臣備位宰相有大  
事不敢不以聞人間細事不足煩聖聽忤旨  
遂罷元方為人清謹再為宰相太后每有遷  
除多訪之元方密封以進臨終悉焚其藁曰  
吾於人多陰德  
**質實** 陸元方蘇州吳  
子孫其未衰乎  
縣人餘慶從子

### 周以狄仁傑為內史

太后幸三陽宮有胡僧邀車駕觀墓舍利太  
后許之仁傑跪於馬前曰佛者戎狄之神不  
足以屈天下之主彼胡僧詭譎直欲招致萬  
乘以惑遠近之人耳太后中道而還曰以成  
吾直臣  
**質實** 一統志云三陽宮在河南府登  
封縣唐聖曆中所建舍利釋氏  
之氣

夢錄阿育王造釋迦真身舍利塔注釋迦佛  
既化弟子阿難等焚其身有骨子如五色珠  
光瑩堅固名曰舍利子阿育王造塔  
以藏之萬乘注見秦始皇二十六年

庚子十七年 周武氏久 春正月帝在東宮○夏五

月朔日食○六月周以張易之為奉宸令

太后改控鶴監為奉宸府以易之為令每內  
殿曲宴輒引諸武易之昌宗飲博嘲諷又命  
易之昌宗與李嶠等脩三教珠英於內殿以  
掩其迹武三思奏昌宗乃王子晉後身太后  
使衣羽衣吹笙乘木鶴於庭中文士皆賦詩  
以美之太后又多選美少年為奉宸內供奉

右補闕朱敬則諫曰陛下內寵易之昌宗足矣而侯祥等明自媒銜求入供奉醜慢無耻臣職諫諍不敢不奏太后勞之易之昌宗競以豪侈相勝弟昌儀為洛陽令請屬無不從嘗早朝有選人姓薛以金五千兩并狀賂之昌儀受金以狀授天官侍郎張錫數日錫失其狀以問昌儀昌儀曰我亦不記但姓薛者即與之錫懼退索在銓姓薛者六十餘人悉留注

**集覽**

三教珠英書集名王子晉注見晉穆帝升平三年周太子晉媒銜說

文媒謀也謀合二姓銜自矜也

**質實**

朱敬則亳州人

銜音縣廣韻注自銜鬻自媒也

洛陽縣名注見

周顯王三年

### 周遣將軍李楷固等擊契丹餘黨平之

契丹將李楷固善用縲索及騎射舞槊每陷陣如鶻入烏羣所向披靡駱務整者亦為契丹將屢敗唐兵及孫萬榮死二人來降有司請族之狄仁傑曰二人驍勇絕倫能盡力於所事必能盡力於我若撫之以德皆為我用矣奏請赦之皆以為將軍使將兵擊契丹餘黨悉平之獻俘含樞殿太后召公卿合宴舉觴屬仁傑曰公之功也將賞之對曰此乃陛下威靈將帥盡力臣何功之有固辭不受

**集覽**

縲索注見嗣聖十三年飛索以縲

**質實**

獻俘注見梁武帝大通元年俘馘

# 周隴右大使唐休璟破吐蕃於洪源

吐蕃將麴莽布支寇涼州圍昌松唐休璟與戰於洪源休璟謂諸將曰諸論既死麴莽布支新為將不習軍事請為諸君破之乃披甲先陷陳六戰皆捷吐蕃大奔

**集覽**

諸論

王崇曰吐蕃之俗不言姓其

**質實**

隴右注見秦王政三

年隴西涼州注

見景龍二年

# 周造大像

太后欲造大像使天下僧尼日出錢以助其功狄仁傑上疏諫曰今之伽藍制過宮闕

功不使鬼止在役人物不天來終須地出不損百姓將何以求且梁武簡文捨施無限及三淮沸浪五嶺騰煙列刹盈衢無救危亡之禍緇衣菽路豈有勤王之師比來水旱不節邊境未寧若費官財又盡人力一隅有難將何以救之哉太后曰公教朕為善何得相違遂罷

**集覽**

伽藍伽求迦反梵語僧伽藍摩或曰僧伽羅摩猶中華言眾園園者

**質實**

勤王注見漢獻帝建安元年



**書法** 先是嘗作大像貯天堂矣天堂既火於是復造前作大像不書此其書何

為仁傑之諫書也後書復作為李嶠之諫書也綱目嘉二子故書罷役亦書之終綱

目書作大像三丁未年魏主宏是年周武氏二十一年再書

**司空梁文惠公狄仁傑卒** **考異** 此誤 **考證** 當去

二字分註謚文惠。謹按狄仁傑仕偽周為內史曲盡忠誠迎中宗還宮授計五王反正唐室

卒于周贈文昌右相睿宗贈司空玄宗追封梁公綱目書曰司空梁公狄仁傑卒凡綱目書武

后時事事各冠以周號雖如婁師德卒猶不免也獨仁傑不加周號者明其心在唐室不曰文

昌右相而曰司空梁公明其忠於唐室褒之也褒之所以示勸也綱目平易中有精深處故曰

非朱子其誰能脩之

太后信重仁傑羣臣莫及常謂之國老而不名仁傑好面引廷爭太后每屈意從之嘗從

太后遊幸遇風巾墜馬驚不止太后命太子追執其鞵而繫之屢以老疾乞骸骨不許每

入見太后嘗止其拜曰每見公拜朕亦身痛及薨太后泣曰朝堂空矣自是朝廷有大事

眾或不能決太后輒歎曰天奪吾國老何太早邪太后嘗問仁傑朕欲得一佳士用之誰

可者仁傑曰有張柬之者其人雖老宰相才也太后擢為洛州司馬數日又問仁傑對曰

前薦柬之尚未用也太后曰已遷矣對曰臣所薦者可為宰相非司馬也乃遷秋官侍郎卒用為相仁傑又嘗薦夏官侍郎姚元崇監察御史桓彥範大州刺史敬暉等數十人卒成反正之功或謂仁傑曰天下桃李悉在公門矣仁傑曰薦賢為國非為私也中宗復位贈司空睿宗時

**質實** 洛州注見秦莊襄王元追封梁國公

大州莫詳沿革或謂敬暉前為衛州刺史疑大當作衛未知是否明者察之梁郡名注見宋順帝昇平三年

**書法**

仁傑自帝還東都以來拜官書周已屢矣無嫌也其卒也復不書周何著

仁傑之始終為唐也是故大臣卒不書謚自裴行儉一書之於是再見大臣卒書本官惟仁傑官書中宗所贈爵書睿宗所封所以殊仁傑於諸臣也此綱目之特筆也一人而已矣唐臣卒具官爵姓謚者五人狄仁傑宋璟李晟馬燧裴度具號官爵謚者一人

郭子儀

**發明**

婁師德之卒綱目以周納言書之雖具其官然固不免為周之臣也狄仁

傑之卒書爵書謚而不繫之周則仁傑雖事武氏固唐之臣爾夫武氏廢唐人神共憤仁傑蒙耻奮忠每以母子之說感悟武氏武氏亦信重其說而從之紆徐不迫卒

復唐緒故綱目於此特筆起義以著仁傑  
始終為唐之意為天下後世不忘本朝者  
之勸也雖然仁傑不繫之周是矣胡為亦  
不繫之唐哉曰是時武氏雖僭位號然天  
下實唐之天下故不必繫之唐而已知其  
為唐此又綱目書法之意也或曰武氏殺  
賢士大夫多矣奚獨於仁傑信重若此曰  
狄公一念在唐發於精誠惓惓悵悵其所  
以為武氏言者不出諸此故武氏亦以誠  
相感初非有奇謀異說行乎其間故曰誠  
者天之道也不誠無物至誠未有不動  
者不誠未有能動者其狄公之謂歟

### 冬十月周復以正月為歲首

**發明**

武氏自六年十一月始用周正改十  
一月為正月十二月為臘月正月為

一月至是凡十二年間前史皆從其說每  
歲一十月書於歲首以為正月繼書臘月  
一月然綱目止用夏正紀月初未嘗為之  
改易今此雖書周復以正月為歲首其實  
歲首固已自用正月不待是年而後復凡  
此皆斥絕武氏不予其改易唐家之正朔  
也然則曷為書周曰書周所以著其廢唐  
之罪明其自絕於唐爾若紀年則用嗣聖  
而正朔止用唐舊此則綱目自立義例取  
法春秋之義不以其私自改作而遂從之  
者也故曰綱目之為綱  
自非君子莫能脩之

○周以韋安石同平章事

時武三思張易之兄弟用事安石數面折之嘗侍宴禁中易之引蜀商數人在座同博安石跪奏曰商賈賤類不應得預此會顧左右逐出之座中皆失色太后以其言直勞勉之同列皆歎服

**質實**

韋安石杜陵人孝寬曾孫禁中注見宋孝武帝大明六年

十二月周開屠禁

鳳閣舍人崔融言割烹弋獵著之典禮苟順月令合禮經自然物遂其生矣遂開屠禁祠祭用牲

**質實**

崔融齊州全節人月令禮記篇宰如故名乃呂不韋所著言十二月政

令所行用夏正令則雜舉三代及秦事也

辛丑 十八年 周武氏大足元

春正月帝在東宮

是歲武邑人蘇安恒上疏太后曰陛下欽先聖之顧託受嗣子之推讓敬天順人二十年矣今太子春秋既壯陛下年德既尊何不禪位東宮使臨宸極亦何異陛下之身哉諸武皆得封王而陛下二十餘孫無尺寸之士此非長久之計也臣請黜諸武為公侯而分土以王諸孫擇立師傅教其孝敬之道以夾輔周室屏藩皇家疏奏太后召見賜食慰諭而遣

**質實**

東宮注見宋文帝元嘉二十七年一統志云武邑漢之縣名屬信都國東

漢屬安平國晉置武邑郡於此北齊郡縣俱廢隋初復置縣以觀津縣省入屬冀州唐宋金元俱仍舊本朝因之改屬真定府

### 三月周流張錫於循州

平章事張錫坐知選漏洩禁中語賊滿數萬當斬臨刑釋之流循州時蘇味道亦坐事俱下獄錫氣色自若舍三品院帷并食飲無異平居味道步至繫所席地蔬食太后聞之赦味道而復其位循州注見晉高祖天福七年

### 兩雪

蘇味道以雪為瑞帥百官入賀殿中侍御史王求禮止之曰三月雪為瑞雪臘月雷為瑞雷乎味道不從既入求禮獨不賀進言曰今陽和布氣草木發榮而寒雪為災豈得誣以為瑞賀者皆諂諛之士也太后為之罷朝時又有獻三足牛者宰相復賀求禮颺言曰凡物反常皆為妖此鼎足非其人政教不行之象也太后為之愀然其失也書益稷注大言而疾曰颺

**集覽**

颺言亟明

**書法**

記異也終綱目書冬雪一漢元帝建昭二年書正月雪一宋辛丑年書二月

月雪一丙子年新莽書三月雪四漢景帝中六年武帝元鼎二年元帝永光元年是

通鑑綱目卷四十二 唐高宗顯慶三年 三十八

年書四月雲二漢成帝建始四年陽朔四年自是無書雪者矣

### 夏六月周以李迥秀尚平章事

迥秀母本微賤妻叱媵婢母聞之不悅迥秀即時出之或問何遽如是迥秀曰娶妻本以養親今乃違忤媵婢媵以證反送顏色安敢留也

**集覽**

女從嫁為媵婢

### 冬十一月周以崔玄暉為天官侍郎

天官侍郎崔玄暉性介直未嘗請謁執政惡之改文昌左丞月餘太后謂玄暉曰聞卿改官令史設齋自慶此欲盛為姦貪質實耳今還卿舊任乃復拜天官侍郎崔玄暉傳

陵人

### 周以郭元振為涼州都督

先是涼州南北境不過四百餘里突厥吐蕃頻歲奄至城下百姓苦之元振始於南境破口置和戎城北境積中置白亭軍控其衝要拓州境千五百里自是寇不復至城下元振又令甘州刺史李漢通開置屯田盡水陸之利舊粟麥斛至數千及至是一縑糴數千斛軍糧支數十年元振善撫御在州五年夷夏畏慕令行禁止牛羊被野路不拾遺

**實**一統志云和戎城在陝西行都司城東南六百四十二里本漢武威郡地唐築和戎

通鑑綱目卷四十二 唐高宗顯慶三年 三十九

城宋因之元為古浪城立巡檢司屬永昌路本朝正統中改置古浪守禦千戶所仍屬焉百亭軍白亭本海名在陝西涼州衛東北境唐郭元振置軍於此故名白亭軍突厥非狄國名注見梁武帝大同十一年廿州注見晉安帝隆安元年張掖

壬寅 十九年 周武氏長 春正月帝在東宮

是歲蘇安恒復上疏曰臣聞天下者神堯文武之天下也陛下雖居正統實因唐氏舊基當今太子追迴年德俱盛陛下貪其實位而忘母子深恩將以何顏見唐家之宗廟哉今天意人事還歸李家陛下雖安天位殊不知物極則反器滿則傾臣何惜一朝之命而不

安萬乘之國哉 質實 神堯文武唐高祖謚為 太后亦不之罪 質實 神堯皇帝太宗謚為文

武皇 帝

周設武舉○突厥寇鹽夏遂寇并州周遣薛奉

昶張仁愿禦之 質實 鹽夏二州名鹽注見德宗 貞元三年夏注見漢武帝

元朔元年朔方并州注見齊明 帝建武三年張仁愿下邳人 ○秋八月周賜

張昌宗爵鄴國公

昌宗兄弟貴盛勢傾朝野太子相王太平公 主上表請封昌宗為王制不許乃賜爵鄴國

公

**質實**

鄴縣名注見漢獻帝建安十五年

**書法**

書譏私也漢世初賜爵止左庶長至宣帝以後賜爵皆侯矣入唐以來自

贈武士護外未嘗書賜爵唐書賜爵始此而得昌宗封爵之輕甚矣哉唐世書賜爵十五昌宗李多祚等敬暉等牛仙客李林甫等安祿山李光弼等僕固懷恩郭子儀李元忠等韋臯李愬裴度李德裕楊行密天寶以前自李多祚敬暉外皆濫授也至德以後自楊行密外其庶幾乎

### 九月朔日食不盡如鉤

**書法**

宋文丁卯年梁武己巳年唐開元十七年日食亦皆不盡如鉤矣不書此

何以書為武氏書也武氏以陰侵陽且極矣故次年而日食之既終綱目書日食不盡如鉤二是年玄宗天寶十三年舍是無書者矣

### 吐蕃遣使求和

宴吐蕃使者論彌薩於麟德殿時涼州都督唐休璟入朝亦預宴彌薩屢窺之太后問其故對曰洪源之戰此將軍猛厲無敵故欲識之休璟練習邊事自碣石以西踰四鎮綿亘萬里山川要害皆能記之

**集覽**

碣石此非北平郡驪城西南之碣石按戰國策注碣



石在常山麟德殿注見憲宗元和十四

郡九門縣年宣政殿碣石山名注見秦

始皇三十二年吐蕃西羌屬名注見太宗貞

觀八年四鎮注見高宗調露元年要害注見

漢文帝十一年書求和始此終綱目書求和二是年

冬十月吐蕃寇茂州都督陳大慈與戰破之質

實茂州注見漢武帝○十一月周命監察御史

### 蘇頲按雪冤獄

監察御史魏靖上疏以為陛下既知俊臣之  
姦處以極法乞詳覆俊臣等所推大獄伸其  
枉濫太后乃命蘇頲按集覽雪冤雪除也洗  
覆由是雪冤者甚眾也洗雪而免罪

質實陛下注見漢光武建武二十  
七年蘇頲武功人壞之子

### 十二月周以張嘉貞為監察御史

侍御史張循憲為河東採訪使有疑事不能  
決問侍吏曰此有佳客可與議事者乎吏言  
前平鄉尉張嘉貞有異才循憲召見詢之嘉  
貞為之條析理分莫不洗然循憲因請為奏

皆意所未及及還太后善之循憲具言嘉貞所為且請以已官授之太后曰朕寧無一官自進賢邪因召嘉貞與語大悅即拜監察御史擢循憲司勳郎中賞其得人也

**質實**

河東道各注見漢獻帝建安七年張嘉貞蒲州虞鄉人平鄉縣各注見漢靈帝中平元年

癸卯二十年周武氏長春正月帝在東宮

突厥請以女妻太子之子許之乃遣武延秀還仍遣使來謝宴於宿羽臺太子預焉宮尹崔神慶上疏曰今五品以上所以佩龜者為別敕徵召恐有詐妄內出龜合然後應命况太子國本古來徵召皆用玉契此誠重慎之極也昨緣突厥使見太子應預朝參應別召

者請降手教及玉契太后然之

**質實**

崔神慶東武城人義玄次子

三月朔日食**質實**日食注見新莽天鳳元年夏閏四月周

改文昌臺為中臺六月寧州大水**質實**寧州注見

蕭宗上元元年秋七月周以唐休璟同三品

時突騎施酋長烏質勒與西突厥諸部相攻安西道絕太后命休璟議其事行之後十餘日安西諸州請兵應接程期一如休璟所畫太后曰恨用卿晚時西突厥斛瑟羅用刑殘酷諸部不服烏質勒本隸斛瑟羅能撫其眾諸部歸之斛瑟羅不能制後攻陷碎葉徙其

牙帳居之斛瑟羅部衆離散因入 **集覽** 突騎

朝不敢復還烏質勒悉併其地 夷種名本西突厥之別部元和姓纂云突騎

施本號西陵突厥碎葉西域國名或曰突厥

中有碎 **質實** 酋長注見漢帝玄更始二年酋

葉城 **質實** 豪安西鎮名注見高宗永淳元

年牙帳注見玄 宗開元八年

**九月朔日食既**

胡氏曰呂后末年日食既后惡之曰此為我

也未幾而卒武后至是日食再既明年亦卒

日者至陽之精人君之表今乃為女主之應

乎夫陽淑不競則陰慝長理固然也今武氏

反陰為陽居中履極奄唐虞之舊域頒正朔

於八荒其氣燄所感上致日星之變不亦宜

乎 **質實** 日食既注見漢惠帝七年八荒謂八

**書法** 食既大變也往年九月不盡如鉤矣

於是九月又食之既武氏之陰沴已

**周貶魏元忠為高要尉流張說於嶺南**

初元忠為洛州長史張易之奴暴亂都市元

忠杖殺之及為相太后欲以易之弟昌期為

者也 詳漢 惠帝七年

雍州長史問宰相誰堪雍州者元忠以薛季昶對太后曰昌期何如元忠曰昌期少年不閑吏事曷在岐州戶口逃亡且盡不如季昶太后默然而止元忠又嘗面奏臣承乏宰相不能盡忠死節使小人在側臣之罪也太后不悅由是諸張深怨之乃譖元忠嘗言太后老矣不若挾太子爲久長太后怒下元忠獄曷宗密引鳳閣舍人張說賂以美官使證元忠說許之太后召說入鳳閣舍人宋璟謂曰各義至重鬼神難欺不可黨邪陷正若獲罪流竄其榮多矣若事有不測璟當叩閤力爭與子同死弩力爲之萬代瞻仰在此舉也殿中侍御史張廷珪曰朝聞道夕死可矣左史劉知幾曰無汗青史爲子孫累及入太后問

之說未對曷宗從旁迫趣說使速言說曰陛下視之在陛下前猶逼臣如是况在外乎臣實不聞元忠有是言易之昌宗遽呼曰張說與元忠同反太后問其狀對曰說嘗謂元忠爲伊周伊尹放太甲周公攝王位非欲反而何說曰易之小人徒聞伊周之語安知伊周之道伊尹周公爲臣至忠古今慕仰陛下用宰相不使學伊周當使學誰邪太后曰說反覆宜并繫治之他日更引問說對如前朱敬則抗疏理之曰元忠素稱忠正張說所坐無名若令抵罪失天下望蘇安恒亦上疏曰元忠下獄里巷恟恟皆以爲陛下委信姦宄斥逐賢良忠臣烈士皆撫髀於私室方今賦役煩重百姓凋弊重以讒慝專恣刑賞失中竊

恐人心不安別生他變竟貶元忠高要尉流  
說嶺表元忠入辭言曰臣老向嶺南十死一  
生但陛下他日必思臣言因指昌宗易之曰  
此二小兒終爲亂階殿中侍御史王駿復奏  
申理元忠宋璟謂之曰魏公幸已得全今子  
復冒威怒得無狼狽乎駿曰魏公以忠獲罪  
駿爲義所激顛沛無恨璟歎曰璟不能伸魏  
公之枉深負朝廷矣太子僕崔貞慎等八人  
餞元忠於郊外易之詐爲狀稱貞慎等與元  
忠謀反太后使監察御史馬懷素鞫之懷素  
曰昔樂布奏事彭越頭下漢祖不以爲罪况  
元忠之刑未如彭越而陛下欲誅其送者乎  
太后意解太后嘗命朝貴宴集易之兄弟皆  
位宋璟上易之素憚璟欲悅其意虛位揖之

曰公方今第一人何乃下坐璟曰才劣位卑  
張卿以爲第一何也天官侍郎鄭杲謂璟曰  
中丞奈何卿五郎璟曰以官言之正當爲卿  
足下非張卿家奴何郎之有舉坐悚惕時自  
武三思以下皆謹事易之兄弟璟獨不爲之  
禮諸張積怒嘗欲中傷之太后知之故得免  
胡氏曰宋璟可謂賢矣爲張說謀而忠張說  
亦可謂賢矣聞宋璟言而受使事君者相詔  
相聽皆如是朝廷豈有過舉哉說非守義不  
回者特以蓬生麻中勢不得不直耳苟爲不  
然說他日事業可紀如是者甚少豈爵位旣  
高不得親忠良以自助邪君子所以貴乎三  
益之友也

**集覽**

張說讀曰悅惱惱字本作怩與怩  
兇通漢高本紀天下匈匈翟方進

傳羣下兇兇孫奕示兒編曰按皆當作上聲

讀說文擾恐貌高要注見梁武帝太清二年

峻祖峻反中傷中陟質實雍州注見玄宗開

仲反陰中害之也質實元十一年京兆岐

州注見周顯王八年張說洛陽人宋璟邢州

南和人張廷珪河南人劉知幾彭城人藏器

之子青史夏昶曰史者紀事之籍謂之青者

謂之青簡而史亦謂之青史伊周伊注見晉

元帝太興元年周注見秦昭襄王五十二年

王駿滄州景城人狼狽注見漢獻帝初平三

年顛沛朱子曰顛沛傾覆流離之際馬懷素

丹徒人樂布奏事彭越頭

下事在漢高帝十一年

### 周以裴懷古為桂州都督

始安僚反攻陷州縣朝廷思得良吏以鎮之

朱敬則稱懷古有文武才以為桂州都督懷

古飛書示以禍福獠即迎拜懷古輕騎赴之

左右曰夷獠無信不可忽也懷古曰吾仗忠

信可通神明而况人乎遂詣

其營賊眾大喜嶺外悉定

質實始安縣名注見晉成

帝咸和四年桂州注見秦始皇三

十三年桂林裴懷古壽州壽春人

### 周遣使以六條察州縣

吐蕃贊普器弩悉弄

### 死

考異提要死誤作卒

通鑑綱目卷之四十二 魏書卷之三十一 三十一

吐蕃南境諸部皆叛器弩悉弄擊之卒於軍中諸子爭立久之國人立其子棄隸踏贊生七年矣

**甲辰二十一年**周武氏長安四年春正月帝在東宮○周

以阿史那懷道為西突厥十姓可汗質實突厥非狄

國名注見梁武帝大同十一年可汗夷狄君長號注見漢後主景耀四年○周作興

**泰宮**

武王思建議毀三陽宮以其材作興泰宮於萬安山功費甚廣百姓苦之左拾遺盧藏用

上疏以為左右近臣多以順意為忠犯忤為戒致陛下不知百姓失業陛下誠能以勞人為辭發制罷之則天下皆知

陛下咎已而愛人也不從**質實**三陽宮注見嗣聖十

六年一統志云興泰宮在河南府宜陽縣西萬安山唐長安四年所建萬安山在河南府

城東南四十一里又名大石山北接登封縣盧藏用幽州范陽人

**周平章事朱敬則致仕**

敬則為相以用人為先自餘細務不之視

**二月周以韋嗣立等為諸州刺史**

太后嘗與宰相議及刺史縣令李嶠唐休璟等奏竊見朝廷物議遠近人情莫不重內官輕外職除授牧伯多是貶累之人風俗不澄實由於此望於臺閣寺監妙簡賢良分典大州共康庶績臣等請輟近侍率先具僚太后命書名探之得鳳閣侍郎韋嗣立御史大夫楊再思等二十人各以本官檢校刺史其後政迹可稱者唯常州薛謙光徐州司馬鍾而巳

**集覽**

取累累力偽反玷辱也鍾胡盲反

**質實**

常州注見隋煬帝大業十

二年毘陵徐州注見秦始皇二十八年彭城

### 夏四月周復作大像

太后復稅天下僧尼作大像糜費巨億李嶠上疏曰造像錢見有一十七萬餘緡若將散施人與一千濟得一十七萬餘戶拯飢寒之弊省勞役之勤人神胥悅功德無窮監察御史張廷珪疏曰以時政論之則宜先邊境蓄府庫養人力以釋教論之則宜救苦厄滅諸相崇無為願察臣之愚行佛之意太后為之罷役召見賞慰之

### 周以天官侍郎崔玄暉同平章事○周以姚元

### 崇為春官尚書

初以相王府長史姚元崇兼夏官尚書元崇上言臣事相王不宜典兵馬臣不敢愛死恐



不益於王乃改春官尚書同三品如故元崇字元之時突厥叱列元崇反太后命元崇以

字 **集覽**

叱列虜 復姓

**質實**

姚崇陝州陝石人懿之子

### 秋七月周以楊再思為內史

再思為相專以諂媚取容司禮少卿張同休易之之兄嘗因宴集戲再思曰楊內史面似高麗再思欣然剪紙帖巾反披紫袍為高麗舞舉坐大笑時人或譽張昌宗之美曰六郎面似蓮花再思獨曰不然昌宗問其故再思曰乃蓮花似六郎耳

**質實**

高麗東胡

國名注見漢武帝元封二年朝鮮

### 周貶戴令言為長社令

司禮少卿張同休汴州刺史張昌期尚方少監張昌儀皆坐賊下獄命左右臺共鞫之敕以易之昌宗作威作福亦命同鞫御史大夫李永嘉中丞桓彥範奏同休兄弟賊共四千餘緡昌宗法應免官昌宗訴有功無罪太后問宰相昌宗有功乎楊再思曰昌宗合神丹聖躬服之有驗此莫大之功太后悅赦之左補闕戴令言作兩足狐賦以譏再思出為長社令

社 **質實**

汴州注見周顯王二十九年大梁長社縣名注見漢光武建武八年

### 周以韋安石為揚州長史唐休璟兼幽營都督

安石舉奏張易之等罪，敕付安石及唐休璟鞫之。未竟而事變，出安石揚州，休璟幽營。休璟將行，密言於太子曰：「二張恃寵不臣，必將為亂，殿下宜備之。」  
**質實** 揚州注見漢武帝元朔五年淮南幽營二州名。幽注見高祖武德四年營注。見晉武帝泰康二年昌黎。

**九月周以姚元之為靈武道安撫大使冬十月**

**以秋官侍郎張柬之同平章事**

元之將行，太后令舉外司堪為宰相者，對曰：「張柬之沈厚有謀，能斷大事，且其人已老，惟陛下急用之。」太后遂以柬之同平章事。時年且八十矣。  
**質實** 靈武郡名注見太宗

貞觀二十一年靈州

**書法** 自革命以來，凡封拜皆書周以恒辭也。此其不書周何？柬之心乎唐者也。自柬之相而帝有復位之書矣。綱目於其同平章事不書周，所以表其為唐也。故終太后之世，惟狄仁傑同平章事不書周。張柬之同平章事不書周。

**周以岑義為天官員外郎**

太后命宰相選郎吏，韋嗣立薦義曰：「但恨其伯父長倩為累，太后曰：『苟或有才，此何所累？由是諸緣坐者始得進用。』」  
**集覽** 長倩為累累力偽反，事相緣及也。長倩乃義之伯父。

先因諫立武承嗣為太子被誅故云為累

**質實**

岑義鄧州棘陽人文本之孫

# 十二月周張昌宗下獄既而赦之

太后寢疾宰相不得見者累月惟易之昌宗侍側崔玄暉奏曰太子相王足侍湯藥宮禁事重願不令異姓出入易之昌宗亦恐禍及陰為之備屢有人為飛書云易之兄弟謀反許州人楊元嗣告昌宗嘗召術士李弘泰占相弘泰言昌宗有天子相太后命平章事韋承慶及司刑卿崔神慶御史中丞宋璟鞠之神慶奏言昌宗欵稱弘泰語已奏聞準法首原璟奏昌宗儻以弘泰為妖妄何不執送有司雖云奏聞終是包藏禍心法當處斬太后不許璟退左拾遺李邕進曰宋璟志安社稷非為身謀願陛下可其奏亦不聽尋敕璟安撫隴蜀璟不肯行奏曰故事中丞非軍國大事不當出使今隴蜀無變臣不敢奉制司刑少卿桓彥範上疏曰昌宗無功荷寵而包藏禍心所以奏者擬事發則云先已奏陳不發則俟時為逆此乃奸臣詭計若云可捨誰為可刑請考竟其罪疏奏不報崔玄暉亦屢以為言太后令法司議罪玄暉弟司刑少卿昇處以大辟宋璟復奏昌宗為飛書所逼不得已而自首且謀反大逆無容首免太后溫言解之璟聲色逾厲曰臣知言出禍從然義激於心雖死不恨太后不悅楊再思遽宣敕令出璟曰聖主在此不煩宰相擅宣敕命太后

乃可其奏遣昌宗詣臺璟慶立而按之事未  
畢太后特赦赦之璟歎曰不先擊小子腦裂  
負此恨矣太后使昌宗詣璟謝璟拒不見胡  
氏曰太后不以內嬖之私屈外庭之議肯自  
抑斷以伸正直之氣其與漢文聽申屠嘉困  
鄧通何以異哉使其生為男子而臨天下其  
雄才大畧殆與孝武等矣

**集覽**

飛書如語無姓名上書者漢書注不知所從來也

**質實**

許州注見漢光武建武八年長社李邕江夏人善之子韋承慶鄭州

人思謙之子隴蜀謂隴西蜀郡注見漢光武  
建武五年大辟群名注見漢宣帝地節三年  
大辟之計漢文聽申屠嘉困  
鄧通事在漢文帝後二年

### 周以陽嶠為右臺侍御史

**書法** 周勃書下某獄既而赦之釋無罪之  
辭也昌宗書某下獄既而赦之釋有  
罪之辭也終綱目下獄書既  
而赦之二詳漢文帝四年

桓彥範袁恕已共薦陽嶠為御史楊再思曰  
嶠不樂搏擊之任如何彥範曰為官擇人豈  
必待其所欲不欲者尤須與之所以長難  
進之風抑躁求之路乃擢為右臺侍御史

**集覽**

搏擊之任御史之職出討  
狂猾如鷹鷂之搏擊鳥雀

**質實**

袁恕已  
滄州東

光人

乙神龍元年春正月張柬之等舉兵討武氏之亂張易之昌宗伏誅帝復位大赦

太后疾甚易之昌宗居中用事張柬之崔玄暉與中臺右丞敬暉司刑少卿桓彥範相王司馬袁恕已謀誅之柬之謂羽林大將軍李多祚曰將軍富貴誰所致也多祚泣曰大帝也柬之曰今大帝之子為二豎所危將軍不思報大帝之德乎多祚曰苟利國家惟相公處分不敢顧身遂與定謀初柬之與荆府長史楊元琰相代同泛江至中流語及太后革命事元琰慨然有匡復之志及柬之為相引元琰為右羽林將軍謂曰君頗記江中之言

乎今日非輕授也柬之又用彥範暉及右散騎侍郎李湛皆為羽林將軍委以禁兵易之等疑懼乃更以其黨武攸宜參之易之等乃安俄而姚元之自靈武至都柬之彥範相謂曰事濟矣遂以其謀告之彥範以事白其毋毋曰忠孝不兩全先國後家可也時太子於北門起居彥範暉謁見密陳其策太子許之柬之玄暉彥範乃與左威衛將軍薛思行等帥羽林兵五百餘人至玄武門遣多祚湛及內直郎王同皎詣東宮迎太子斬關而入斬易之昌宗於廡下進至太后所寢長生殿太后驚起問曰亂者誰耶多祚等對曰易之昌宗謀反臣等奉太子令誅之恐有漏洩故不敢以聞稱兵宮禁罪當萬死太后見太子曰

通鑑紀事本末卷四十一 唐高宗皇帝五年 四十三

小子既誅可還東宮彥範進曰昔天皇以愛子托陛下今年齒已長久在東宮天意人心久思李氏願陛下傳位太子以順天人之望太后謂崔玄暉曰卿朕所自擢亦在此耶對曰此乃所以報陛下之大德於是收張昌期等皆斬之與易之昌宗梟首天津南收其黨韋承慶房融崔神慶繫獄以太后制命太子監國以袁恕已為鳳閣侍郎同平章事遣使宣諭諸州明日太后傳位於太子中宗復位大赦惟易之黨不原其為周興等所枉者咸令清雪子女配没者皆免之相王旦加號安國相王太平公主加號鎮國太平公主皇族皆復屬籍敘官爵其為太后所殺者訪求其柩改葬之

**集覽**

北門起居唐分宰相

為南司故稱南牙官寺為北司故稱北門天津南天津在龍門山之西北天津南謂在天津橋南羽林衛名注見漢安帝延光四年玄宗天寶六年華清宮天津橋名注見隋煬帝大業十三年東宮注見宋文帝元嘉二十七年相州名注見漢元帝建昭二年魏郡

**遷太后於上陽宮上尊號曰則天大聖皇帝**

胡氏曰武氏之禍古所未有也張柬之等第知反正廢主而不能以大義處非常之變為唐室討罪人也武后以太宗才人蠱惑嗣帝一罪也戕殺主母二罪也黜中宗而奪之三

罪也。殺君之子三人，四罪也。自立為帝，五罪也。廢唐宗廟，六罪也。誅鋤宗室，七罪也。穢德彰聞，八罪也。尊用酷吏，毒痛四海，九罪也。兵既入宮，當先奉太子復位，即以武氏至唐太廟，數其九罪，廢為庶人，賜之死，而滅其宗。中宗不得而與焉。然後足以慰在天之靈，雪臣民之憤，而天地之常經立矣。昔者文姜預弒魯桓，哀姜預弒二君，聖人例以孫書，若其去而不返，以深絕之，所以著恩輕而義重也。武氏負九大罪，自絕於唐，東之等乃膠守常故，不能討治，使得從容傳位，又受顯冊，竊尊稱，以是見為大臣斷大事，而無學不能善始善終，決矣。或曰：使狄公而在，當有以異乎此邪？曰：狄公亦如是而已矣。觀其說武氏之言，固不肯以血食給之於先，而以罪討之於後也。

或曰：文姜哀姜與聞乎弒武氏，未嘗弒也。比而同之，不亦過乎？曰：弒君立君，宗廟猶未亡也。罪已當絕，况移其宗廟，改其國姓，是滅之矣。豈不重於弒君者邪？夫惟如是而不能討，故不旋踵而韋氏肆行，無所忌憚，意可以為常事也。**集覽** 毒痛四海，書秦誓文，蔡氏傳曰：痛也。病也。作刑威以殺戮，毒病四海之人，言禍所及遠也。文姜預弒魯桓，文姜魯桓公夫人，桓十八年，公及文姜如齊，齊侯通之，而使公子彭生拉公幹而殺之。哀姜預弒二君，哀姜魯莊公夫人也。莊三十二年，公疾，問後於叔牙，對曰：慶父材，問於季友，對曰：臣以死奉般。後莊公薨，子般即位，慶父使人弒之。

通鑑綱目卷四十二 魯哀公十四年 四十六

魯人立閔公後年慶父恨不得立又使人弑  
 閔公閔公哀姜之姊叔姜之子也慶父通於  
 哀姜閔公之死也哀姜與知之何休曰為淫  
 二叔殺二嗣子聖人例以孫書例謂春秋乃  
 例也莊元年經曰夫人孫於齊注夫人莊公  
 母也魯人責之故出奔內諱奔謂之孫猶孫  
 讓而去孫亦作遜公羊傳曰孫者何孫猶孫  
 也注孫遁也穀梁傳曰孫之為言猶孫也諱  
 奔也注孫孫遁而去閔二年經曰夫人姜氏  
 孫於邾注哀姜外淫故孫稱姜公羊傳作夫  
 人姜氏孫於邾婁若其去而不返以深絕之  
 文姜哀姜與聞弑君之後史筆畧不及之視  
 二人如往而不歸者

**正誤**

文姜哀姜今按文姜孫齊之後春秋

書夫人姜氏會齊侯于禚又享于祝丘又如  
 齊師又會于防又會于穀又如齊又再如莒  
 又書夫人姜氏薨葬我小君文姜凡十見哀  
 姜孫邾之後書夫人姜氏薨于夷齊人以歸  
 書夫人姜氏之喪至自齊書葬我小君哀姜  
 凡三見集覽謂與弑之後史筆畧不及之非  
 也然哀姜與弑二君去而不返春秋書夫人  
 姜氏孫于邾宜也文姜與弑桓公之後即歸  
 于魯亦書夫人孫于齊一例皆以孫書何也  
 其罪已極雖即歸魯若其去而不返以深絕  
 之

**質實**

上陽宮注見高宗乾封二年

**書法**

武氏自臨朝稱太后既革命則削稱武氏絕之於唐廟也上書討武氏之



亂綱目固已正名其罪矣此其復書太后何罪唐朝之君臣也太后絕唐宗廟罪莫大焉中宗知有母而不知有祖大臣知守常而不知斷義從其恒稱所以深譏之也而復號曰皇帝焉又甚矣故綱目雖書號曰則天大聖皇帝而其崩其葬則從其恒稱然則書遷太后何太后得罪宗廟固不得以自遷為文也綱目書遷太后六其辭有二秦太后漢靈竇太后魏郭太后齊宣德太后皆逆辭也漢閻太后唐武太后皆罪辭也

**發明**

綱目自七年改國號周之後不書太后止書武氏明其得罪於唐宗廟故

黜而絕之廢為庶人是以上書姓氏爾今此上書張柬之等討武氏之亂而下書遷太后號曰則天大聖皇帝夫所謂太后者即武氏也既討其亂又尊其號可乎綱目於此深恨唐室諸臣不能舉正其罪而黜之故備載胡氏之言於下以明武氏當廢之罪爾况皇帝者有天下稱焉可加之於已廢之婦人乎直筆書之其義見矣可勝歎哉可勝惜哉○丘濬曰嗚呼皇帝者天子之嘉稱非婦人女子所得稱也彼其逆理亂常自為稱謂勢必行而威可畏臣下懼死而不敢拒猶之可也今既立皇帝矣而遷於別宮顧猶尊之以大聖皇帝何邪其罪不特在武氏矣先儒胡寅追咎當時

大臣不能數其大大罪而廢之以為千古遺恨嗚呼武氏之罪誅之固不容誅矣何廢之足云但中宗其所生也以義論之母雖輕於祖以恩論之子終無絕母之理也當時大臣遷之別宮復其后號誅絕其宗族黨與凡在武氏臨朝之時助武氏抑唐宗者一切按問之量其輕重以定其罪狀或誅或竄以為後世之戒可也一時具臣不知出此反仍其舊稱而加以美號豈不悖哉

以張柬之袁恕已同三品崔玄暉為內史敬暉

桓彥範為納言李多祚等進官賜爵有差

質實

納言官名注見漢靈帝光和元年

○二月復國號曰唐

郊廟社稷陵寢百官旗幟服色文字皆如永淳以前故事復以神都為東都并都為并州老君為玄元皇帝范氏曰昔季氏出其君魯無君者八年春秋每歲必書公之所在不與季氏之專國也自司馬遷作呂后本紀後世為史者因之故唐史亦列武后於本紀其於記事之體則實矣春秋之法則未用也或曰武后母也中宗子也母雖不慈子不可以不孝中宗欲以天下與韋玄貞不得為無罪武后實有天下不得不列于本紀不沒其實所以著其惡也臣以為不然中宗之有天下受之於高宗也其日以天下與韋玄貞乃一時

拒諫之忿辭非實欲行之也若以為罪則漢  
哀帝之欲禪位董賢其臣亦可廢立也春秋  
吳楚之君不稱王所以存周室也天下者唐  
之天下也武氏豈得而間之故匡復繫嗣聖  
之年黜武氏之號以為毋肩禍亂之戒竊  
取春秋之義雖獲罪於君子而不辭也

**覽**

禪位董賢漢哀帝置酒麒麟殿視  
董賢笑曰吾欲法堯禪舜何如

**質實**

稷社

**集**

注見新莽  
天鳳元年

**書法**

此書復國號曰唐世史書革去周號  
何武氏所以據尊位臨萬方以臣其  
人民者豈盡出其智力哉因唐之勢耳彼  
其革去唐號而稱曰周特見於稱呼施之

文移焉耳人心天意之在唐者固未嘗有  
渝也武氏一旦去位則唐之社稷固自如  
也又何俟於復哉革  
去周號唐斯在矣

**流貶周宰相韋承慶房融崔神慶於嶺南**

**質實**

嶺南道名注見秦始皇三十三年五嶺

○以楊再思同三品○姚

**元之為亳州刺史**

太后之遷上陽宮也同三品姚元之獨嗚咽  
流涕桓彥範張柬之謂曰今日豈公涕泣時  
耶元之曰前日從公誅姦逆人臣之義也今  
日別舊君亦人臣之義也雖獲罪實所甘心

遂出為亳

州刺史

**質實**

亳州注見漢獻帝建安十五年

# 復立韋氏為皇后贈后父玄貞上洛王

左拾遺賈虛已上疏曰異姓不王古今通制今中興之始萬姓仰觀而先王后族非所以廣德美於天下也且先朝贈后父太原王殷鑒不遠須防其漸不聽上之遷房陵也與后同幽閉備嘗艱危情愛甚篤每聞敕使至輒皇恐欲自殺后止之曰禍福無常何遽如是嘗與后私誓曰異時幸復見天日當惟卿所欲不相禁禦至是上每臨朝則后必施帷帳坐於殿上預聞朝政如武后在高宗之世矣桓彥範上表曰書稱牝雞之辰惟家之索自

古帝王未有與婦人共政而不破國亡身者也願令皇后專居中官治陰教勿出外朝干國政先是胡僧慧範與張易之兄弟善韋后亦重之至是復出入宮掖彥範表言慧範執左道以亂政請誅之上皆不聽

**集覽** 殷鑒不遠詩蕩篇文注見隋煬帝大業三年執左道以亂政記王制文

**質實** 上洛郡名注見注左道若巫蠱及俗禁

年太原郡名注見齊明帝建武三年并州房陵縣名注見漢獻帝建安二十四年牝雞之辰惟家之索注見隋文帝仁壽四年

**書法**

前書立韋氏為皇后矣中宗被廢則韋氏為廬陵王妃可知也然中宗雖

書廢而綱目每歲皆以帝書不予武氏之廢之云耳帝既復位則后正位中宮亦不言可知也其必以復立書何著唐再禍之始也帝既復位唐不為唐韋后復立唐必再禍特書復立若曰唐室之禍復自此始矣復之故重書之凡事有不必書復而書復者綱目皆有深意焉韋氏未嘗書廢而書復立為皇后以為不可立者也崔旰未嘗書譴而書復使還鎮以為不可使還者也代宗大曆三年皆惜之之辭也然則武士護再書贈矣不書后父玄貞則何以書書后父見中宗之汲汲於韋氏猶前日也武氏立為后十七年而後追王其父韋氏復立首贈后父以王綱目聯書之中宗反

正以來之初政可知矣

**發明**

春秋襄十四年書衛侯出奔二十五  
年書衛侯入于夷儀當其失國之時皆書其爵至二十六年書衛侯復歸於衛迨其復國之後反書其名蓋衛侯在外十有二年而德弗加進一旦得國失信無刑猶夫人也是以春秋深貶而名之爾夫人之有德慧術知者常存乎疾疾今中宗橫罹廢酷二十餘年困心衡慮多於衛侯淹恤之日反位未幾故態復作果何為哉况其嗣位之初止以韋元正之故貽禍擯黜今縱念不到此亦獨不思母氏亂唐不過出於女禍則夫懲創前失尤當裁抑女

通鑑綱目卷四十二 唐紀六十四 三  
寵於動心忍性之餘胡可反聽牝雞之晨  
復蹈亂亡之轍者哉昔太甲顛覆厥度伊  
尹放之於桐三年自怨自艾處仁遷義卒  
能復辟為賢德之君中宗幽廢不為不父  
而其狂愚之惡曾弗之改故綱目於韋氏  
之立既書曰復而於上洛王之贈則特揭  
后父書之所以著其困而弗革雖得復國  
猶非其國也嗚呼觀綱目所書中宗初政  
若此真所謂下愚不移之性者  
矣廢於母弒於妻又誰咎哉

### 以武三思為司空

二張之誅也洛州長史薛季昶謂張柬之敬  
暉曰二凶雖除產祿猶在去草不去根終當

復生二人曰大事已定彼猶机上肉耳夫何  
能為季昶歎曰吾不知死所矣朝邑尉劉幽  
求亦謂柬之等曰三思尚存公輩終無葬地  
若不早圖噬臍無及不從上女安樂公主適  
三思子崇訓上官儀女婉兒者没入掖庭辯  
慧能文明習吏事太后愛之及上即位使掌  
制命益委任之拜為婕妤三思通焉故婉兒  
黨於武氏又薦三思於韋后上遂與三思圖  
議政事數微服幸其第柬之等皆受制於三  
思矣上使后與三思雙陸而自為點籌三思  
遂與后通由是武氏之勢復振柬之等數勸  
上誅諸武曰革命之際宗室誅夷畧盡今陛  
下反正武氏濫官僭爵按堵如故豈遠近所  
望邪不聽柬之等或撫牀歎憤或彈指出血

曰主上昔為英王時稱勇烈吾所以不誅諸武者欲使上自誅之以張天子之威耳今反如此事勢已去知復奈何上

**集覽**

產祿猶在喻武三思

遂以三思為司空同三品

尚未除去也漢高后時呂產呂祿皆以外戚居中用事後並伏誅

啜臍無及左傳若不早圖後君啜臍注醫

**質實**

朝邑縣名注見隋煬帝大業十三年劉幽

求冀州武強人安樂縣名注見漢高后六年

狄道掖庭獄名注見漢武帝後元元年婕妤

婦官名注同上太始三年雙陸博具注見梁

武帝太清三年按堵注見代宗大曆八年

**發明**

武氏亂唐亘古無有五王不能誅除禍根誠為失策然中宗獨不念幽囚

之辱乎既登九五掃除元惡如恐弗及夫何復位未幾乃反信而用之是亦無人心矣故綱目書以武三思為司空專罪中宗而未暇責及五王者端本澄源之論首惡必有所歸也

### 貶譙王重福為均州刺史

重福上之庶子也韋后惡之貶

**質實**

均州注見晉元

帝建武元年武當

### 以武攸暨為司徒祝欽明同三品

**質實**

祝欽明京兆人

○三月流酷吏於嶺南死者追貶之所破家皆  
復資蔭○以袁恕已為中書令○徵武攸緒為

### 太子賓客

以安車徵武攸緒既至除太子賓客固請還  
山許之胡氏曰武攸緒之志不緇於其族卓  
矣他人避武后之亂思中宗之復事革則奮  
然而出攸緒見其未也應召而來遺榮而去  
當是之時安車注見漢武  
一人而已帝建元元年

夏四月以鄭普思為秘書監葉靜能為國子祭

### 酒

術士鄭普思尚衣奉御葉靜能皆以妖妄為  
上所信墨敕以普思為秘書監靜能為國子  
祭酒桓彥範崔玄暐圍執不可曰陛下初復  
大位下制政令皆依貞觀故事貞觀中魏徵  
為秘書監孔穎達為國子祭酒豈普思靜能  
之比乎拾遺李邕上疏曰若有神僊能令人  
不死則秦始皇漢武帝得之矣佛能為人福  
利則梁武帝得之矣堯舜所以為帝王首者  
亦脩人事而已尊寵此  
屬何補於國上皆不聽

### 書法

監學清流長官要職而以方  
士居之直書而貶義自見矣



以魏元忠韋安石李懷遠唐休璟崔玄暉並同

三品張柬之為中書令 質實 李懷遠刑州柏仁人 ○五月

遷周廟主於西京仍避其諱


**書法** 仍者何不 宜仍者也

**發明** 武氏廢唐宗廟中宗僅能復之今乃復崇武氏果何謂哉故綱目既書遷

周廟主又書仍避其諱以惡之

○賜敬暉等五人王爵罷其政事

敬暉等率百官上表曰天授革命之際宗室誅竄殆盡今天命惟新而諸武封建如舊開闢以來未有斯理願陛下為社稷計順遐邇心降其王爵以安內外上不許暉等畏武三思之讒以考功員外郎崔湜為耳目湜見上親三思而忌暉等乃悉以暉等謀告三思三思引為中書舍人先是殿中侍御史鄭愔諂事二張坐貶亡入東都謁三思初見哭甚哀既而大笑三思怪之愔曰愔始哀大王將戮死而滅族後乃喜大王之得愔也大王雖得天子之意然彼五人皆據將相之權膽畧過人廢太后如反掌日夜切齒欲啗大王之肉此愔所以為大王寒心也三思大懼與之登樓問自安之策引為中書舍人與崔湜皆為



三思謀主三思與韋后日夜譖暉等云恃功專權將不利於社稷不若封以王爵罷其政事外不失尊寵功臣內實奪之權上以為然封敬暉為平陽王桓彥範為扶陽王張柬之為漢陽王袁恕已為南陽王崔玄暉為博陵王皆罷政事三思令百官脩復太后之政不附武氏者斥之為五王所逐者復之大權盡歸三思矣胡氏曰崔湜小人無足罪者獨五王不知人可恨耳上則不知中宗次則不知三思其為崔湜所反也固宜夫三思之惡布在天下何用更伺其動靜是時建義諸人分柄文武若合謀同志再匡王室討除三思猶未為晚也若中宗與韋后必欲復武氏之政則斷以大義推奉睿宗以主社稷雖為法受

惡豈不賢於三思所蒞臨乎惜哉五王之忠而智不及此其受禍也宜哉

**集覽** 湜

**職反情** 崔湜定州人仁師之孫東都注

**揖淫反** 質實 見秦莊襄王元年三川平陽縣

名注見周威烈王二十三年一統志云扶陽縣名隋初所置於扶水之北故名屬庸州唐屬費州宋廢之故址在思南府城西北八十五里漢陽縣名注見高祖武德五年南陽縣

名注見周赧王十七年宛博陵縣名注見周威烈王二十三年山中

**書法** 特筆也霍氏之將誅書罷其屯兵五王之將禍書罷其政事皆特筆也

綱目於此凜凜矣

### 以岑羲為秘書少監畢構為潤州刺史

初五王之請削武氏諸王也求人為表眾莫肯為中書舍人岑羲為之語甚激切中書舍人畢構次當讀辭色明厲三思既得志羲改秘書少監出構為潤州刺史質實畢構偃師人卓之三世孫潤州注見晉成帝咸和三年京口

### 以宋璟為黃門侍郎

上嘉宋璟忠直累遷黃門侍郎武三思嘗以事屬璟璟正色拒之曰今太后既復子明辟王當以侯就第何得尚預朝政獨不見產祿之事乎質實復子明辟注見漢孺子嬰


初始元年

### 以楊元琰為衛尉卿

先是元琰知三思浸用事請棄官為僧上不許敬暉聞而笑之元琰曰功成名遂不退將危此乃由衷之請非徒然也集覽由衷之請言也及暉等得罪元琰獨免集覽此請出於衷心之誠然也衷與中通左傳隱三年君子曰信不由中質無益也

### 皇后表請改易制度從之

上官婕妤勸韋后襲武后故事表請令士庶喪出母三年百姓二十三為丁五十九免役



改易制度以收集覽喪出母三年出母謂為時望詔皆從之父所出者禮為出母期

父卒為父後者不服耳記檀弓曰子上之母死而不喪又曰孔氏之不喪出母自子思始

也注云記禮所由廢非之又喪服小記曰為父後者為出母無服注云不敢以已私廢父

所傳重之祭祀也高宗時武后請父在為母服齊衰三年

**書法** 此天后表十二事之故步也而皆從之父子一轍矣綱目前書行之高宗

上元元年此書從之是年深譏之也

**發明** 昏庸之君雖身罹禍敗亦弗知戒如中宗之寵韋庶人是已况望其遠鑒

前世乎書皇后表請改易制度從之惡可知矣

降河內王武懿宗爵為公質實河內縣名注見周赧王五十三

年野王 ○以唐休璟豆盧欽望為左右僕射

以唐休璟豆盧欽望為左右僕射休璟仍同三品欽望有軍國重事中書門下可共平章

先是僕射為正宰相其後多兼中書門下之職午前決朝政午後決省事至是欽望專為

僕射不敢預政事故有是命是質實豆盧欽望雍州人

以韋安石為中書令魏元忠為侍中○洛水溢

**質實**

洛水注見漢高后三年

流二千餘家

秋七月以韋巨源同三品○以漢陽王張柬之

為襄州刺史

東之表請歸襄州養疾制以柬之為刺史不知州事

**質實**

襄州注見漢獻帝建安十

二年

河南北十七州大水制求直言

右衛參軍宋務光上疏曰水陰類臣妾之象恐後庭有干外朝之政者宜杜絕其萌太子國本宜早擇賢能而立之又外戚太盛如武主恩等宜解其機要鄭普思葉靜能以小技竊大位亦朝政之蠹也疏奏不省

**質實**

宋務光西河人

九月改葬上洛王韋玄貞

具儀如太原王故事尋進封鄴王

**質實**

太原王故事高宗贈武士護為太原王事

在咸淳元年鄴縣名注見漢武帝建元元年

**書法** 楊震書改葬嘉禮賢也此其書何譏私也復位一月而追贈越八月而改

葬中宗於后父亦拳拳甚矣終綱目臣書改葬二詳漢安帝延光四年宋路太后唐

息隱王不與焉

韋巨源罷以魏元忠為中書令楊再思為侍中

○冬十一月羣臣上皇帝皇后尊號

羣臣上皇帝尊號曰應天皇帝皇后曰順天皇后上與后謁謝太廟赦天下相王太平公主加實封皆滿萬戶

**書法** 帝后並書何譏也失尊無二上之美矣綱目以羣臣上冠之罪羣臣也

上御樓觀潑寒胡戲 **考異** 上當作帝

清源尉呂元泰上疏曰謀時寒若何必裸身揮水鼓舞衢路以索之哉疏奏不納 **集**

**覽** 潑寒胡戲即乞寒胡戲注 **質實** 清源縣名見陳宣帝太建十一年 **質實** 注見周赧

王二十七年梗陽

**書法** 凡書觀譏也觀戲甚矣終綱目書觀十詳漢後主建興十四年而中宗六

年三書焉是年景龍三年四年帝亦早自縱矣

**發明** 中宗失德初無足道然亂亡之蹟不容盡泯此觀潑寒胡戲之類所以皆

書于冊為世鑒也

### 皇太后武氏崩

太后崩於上陽宮年八十一遺制去帝號赦王蕭二族及褚遂良韓瑗柳奭親屬上居諒陰以中書令魏元忠攝冢宰三日元忠素負忠直之望中外賴之武三思矯太后遺制慰諭元忠賜實封百戶元忠捧制感咽涕泗見者曰事去矣胡氏曰元忠慷慨論事屢瀕危殆無所屈折是以利為輕以義為重矣實封百戶於宰相何加焉而至於懷感悲涕何也

蓋至是義氣不勝有貪志焉卒為三思所陷容容循默坐視五王夷滅政事紊亂不敢一言而卒亦不免孔子曰愆也愆焉得剛元忠之謂矣○將以太后合葬乾陵給事中嚴善思上疏曰神明之道體尚幽玄今欲啓之恐致驚黷况合葬非古宜於陵旁更擇吉地不從

**集覽** 容容循默容容謂不擇善否皆兩容之也循默謂因循守職靜默不語也

又容容多後福注見漢順帝永建元年

**質實** 諒陰注見漢昭帝名注見陳宣帝太建九年六卿韓瑗京兆三原人仲良之上陽宮注見高宗乾封二年

乾陵注見嗣聖元年

發明 丘濬曰武氏自稱皇帝中宗復位又尊之以為則天大聖皇帝其崩也以

其所尊者書之可也而綱目乃以皇太后武氏書之蓋不與其為皇帝也是何也女不可以統男皇帝本非婦人女子之所得而稱者也書之曰太后武氏崩則凡其生時所自稱及人所以尊之者皆非所宜也如是書之不啻足矣今史綱直斥其姓名而且以死書何嗚呼武氏起自閭閻使其不入宮闈一匹婦耳所以生得為后死得書崩徒以其作配高宗以承唐家之宗祀焉耳今武氏為人妻則淫蕩為人妾則妬害為人母則殘虐為人婦則廢人之宗祀滅人之國祚殺人之族屬凡其一生所以孤人之子寡人之妻絕人之宗祀不知其凡幾百千萬矣其於李氏固已義絕葬不可以列李氏之園陵祭不可以入李氏之宗廟由是觀之乃天地間一不仁不義之婦人耳死全首領固已為幸而又稱之以為后書之以為崩何以誅絕其既往而示戒於將來哉必若直斥其名而且以死書之之為愈

### 戶部奏是歲天下戶口之數

戶六百一十五萬口三千七百一十四萬有奇

書法 書戶口之數始此終綱目書戶口數七是年玄宗開元十四年二十八年



通鑑綱目卷四十二

天寶十三年代宗廣德二年文宗開成四年武宗會昌五年兵民數一德宗建中元年皆

唐也

丙午二年春正月以李嶠同三品于惟謙同平章

事○制太平安樂公主各開府置官屬

安樂公主恃寵賣官鬻獄勢傾朝野或自為制敕掩其文令上署之上笑而從之竟不視也自請為皇太女上

雖不從亦不譴責

譏之

**發明** 武氏雖曰亂唐然大權在已政出于

一故能控制四海踰二十年今中宗以陽德居尊胡為反縱女謁甚至下令特令公主開府置官屬書之于冊不惟遠愧乃祖亦且近愧乃母矣

以平陽王敬暉扶陽王桓彥範南陽王袁恕已

為諸州刺史

武三思惡暉等居京師出之暉滑州  
彥範洛州恕已豫州尋復左遷遠郡

**質實** 京師

通鑑綱目卷四十二

注見周顯王二十五年滑州注見隋恭帝皇泰二年豫州注見漢光武建武十九年汝南

### 二月以韋巨源同三品

詔與皇后敘宗族

### 制僧慧範道士史崇恩等並加五品階

**書法**

自武氏始書僧拜官於是再見僧道五品是襲武氏之跡也再亂宜矣終

綱目書僧有官三懷義慧範不空書道士有官三崇恩劉玄靜杜光庭本教官稱不

與焉

**發明**

夫所謂僧道士者果何物哉就其本法言之清虛寂滅者也而乃加以品秩不惟王法之所不容是亦彼法之所惡者書之于冊豈不深可為笑而適足以為

戒哉

### 置十道巡察使

**考異**

提要置上當有圈子

選內外五品以上官二十人為十道巡察使委之察吏撫人薦賢直獄二年一代考其功罪而進退之美師度馬懷素  
源乾曜盧懷慎李傑皆預焉  
**質實** 姜師度魏州魏縣人  
源乾曜相州臨漳人盧懷慎滑州人李傑相州滏陽人

韋安石罷以蘇瓌為侍中唐休璟致仕○三月

### 殺駙馬都尉王同皎


初宋之問及弟之遜皆坐附會張易之貶嶺南逃歸東都匿于友人王同皎家同皎疾武三思及韋后所為每與所親言之輒切齒之遜密告三思三思使人告同皎與武當丞周憬算謀殺三思廢皇后皆坐斬之問之遜並除京官憬亾入比干廟大言曰比干古之忠臣知吾此心三思與皇后淫亂傾危國家行當梟首都市恨不及見耳遂自剄

**質實**

見漢靈帝建寧元年

### 大置員外官

置員外官自京師及諸州凡二千餘人宦官超遷七品以上員外官者又將千人魏元忠自端州還為相不復疆諫惟與時俯仰中外失望酸棗尉袁楚客以書責之曰主上新服厥命惟新厥德當進君子退小人以興大化豈可安其榮寵循默而已今不早建太子擇師傅而輔之一失也公主開府置僚屬二失也崇長緇衣借勢納賂三失也俳優小人盜竊品秩四失也有司選賢皆以貨取勢求五失也寵進宦者殆滿千人六失也王公貴戚



賞賜無度競為侈靡七失也廣置員外官傷財害民八失也先朝宮女出入無禁交通請謁九失也左道之人熒惑主聽竊盜祿位十失也凡此十失君侯不正誰正之哉元忠得書愧謝而已胡氏曰中宗鼎鑊豈若武后之烈主思凶愾豈若周來之甚元忠不懼武后而畏三思是何也血氣既衰戒之在得故也簞食豆羹不得則死然蹴而與之乞人不屑者血氣尚勝故也萬鍾之祿與不得則死者相去遠矣然有不辯理義而受之者血氣衰故也知所以戒則志常為主血氣不能盛衰之矣

**集覽** 周來之甚武后時周興來俊臣皆酷吏之尤者

**質實** 端州注見梁武帝太清二年魏元忠宋州宋城人酸棗縣

名注見周慎靚王四年左道注見漢成帝永始二年

**書法** 嘗書置員外同正官矣未書大也於是始書大書大何譏濫也中外合三千餘人其濫莫甚於此矣

**發明** 前書公主置官屬此書大置員外官亂政若此不亾得乎

夏四月李懷遠致仕○殺處士韋月將以尹思

貞為青州刺史宋璟為貝州刺史

處士韋月將上書告武三思潛通宮掖必為逆亂上大怒命斬之黃門侍郎宋璟奏曰人

言中宮私於三思陛下不問而誅之臣恐天下必有竊議固請按之上不許璟曰必欲斬月將請先斬臣不然臣終不敢奉詔上怒少解御史大夫蘇珣大理卿尹思貞皆以為方夏行戮有違時令上乃命杖而流之嶺南過秋分一日平曉廣州都督周仁軌斬之御史大夫李承嘉附武三思詆尹思貞於朝思貞曰公附會姦臣將圖不軌先除忠臣邪承嘉怒劾奏思貞出為青州刺史武三思惡宋璟出之檢校貝州刺史范氏曰自古殺諫臣未有不亾國者中宗愚闇足以取亾而高祖太宗德澤未遠人心天命未厭唐也故禍及其身而

**質實**

處士注見周赧王元年蘇珣藍田人廣州注見秦始皇三十三年南

海不軌注見漢靈帝光和五年青州注見漢

桓帝永康元年貝州注見漢安帝建光二年

**書法**

隱士書殺韋祖思見之矣晉恭帝元

之為君可知矣月將以諫見殺曷為不以諫者書是年若曰韋氏官掖之慙德雖山林之人皆知之矣而帝不之悟書處士所以病中宗也然月將退處山林而與聞宮掖之事亦出位甚矣書交病之

**發明**

廬陵不道無足論者然綱目上書殺處士韋月將下書以尹思貞宋璟為刺史又以著二人因諫見貶爾彼其淫刑濫殺既戮言者又逐諫臣未幾身弑統絕

其為後主鑒豈不深切著明也哉

### 五月葬則天皇后於乾陵

**質實**

乾陵高宗之墓注見嗣聖元年

**書法**

后葬不地合葬也於乾陵常矣其書何罪大臣也武氏得罪宗廟溝而絕

之可矣乃合葬焉特書於乾陵所以譏大臣之不能斷也是故唐后之葬惟則天書乾陵不宜合而合也惟興慶書景陵之側宜合而不合也宣宗大中三年綱目之意

微矣終綱目后葬書地七詳漢宣帝本始三年

### ○六月貶敬暉桓彥範張柬之袁恕已崔玄暉

### 為遠州司馬

武三思使鄭愔告敬暉等與王同皎通謀貶暉崖州彥範瀧州柬之新州恕已竇州玄暉

白州司馬員外

**集覽**

崖州在海外漢珠崖郡也唐改崖州今吉陽軍

長任削其勲封是瀧州瀧音雙今廣東德慶府瀧水縣是新州秦南海郡也梁武置新州屬廣東竇州漢

合浦地唐置竇州尋改高州白州今鬱林州博白縣是在廣西

**質實**

崖州注見漢武

帝元鼎六年珠崖一統志云瀧州本漢端溪縣地晉分置龍鄉縣尋改為平原縣置平原郡梁兼置瀧州隋初郡廢改平原曰瀧水縣大業初改州為永熙郡唐初復置改為瀧州

通鑑綱目卷之三十一 唐紀之九 高祖 二六  
天寶初改爲開陽郡乾元初復爲瀧州宋初  
州罷以瀧水縣屬康州元屬德慶路 本朝  
初改隸肇慶府新州注見梁武帝大同七年  
賓州本秦南海郡地漢屬蒼梧郡隋屬永熙  
郡唐置信義縣爲南扶州治貞觀初州罷以  
縣隸瀧州尋於縣置賓州宋以特亮譚峩懷  
德三縣併入信義改爲信宜縣熙寧中賓州  
廢以縣屬高州元仍舊 本朝因之改屬高  
州府白州注見  
高祖武德五年

### 加周仁軌鎮國大將軍

初韋玄貞流欽州而卒蠻酋審承基逼取其  
女玄貞妻崔氏不與承基殺之及其四男至  
是廣州都督周仁軌討承基斬之  
故有是命及韋氏敗仁軌亦誅  
隋文帝開  
皇十七年

**賈** 欽州注見

### 秋七月立衛王重俊爲皇太子

太子性明果而官屬率貴遊子弟所  
爲多不法左庶子姚珽屢諫不聽  
陝州陝石人衛州名注  
見秦王政六年朝歌

**質實** 姚珽

### 以李嶠爲中書令

初李嶠爲吏部侍郎欲樹私恩再求入相奏  
大置員外官廣引貴勢親識旣而爲相銓衡

失敘府庫減耗乃更表言濫官之弊且請遜位上慰諭不許

**質實**

銓衡注見晉穆

帝興寧二年

敬暉桓彥範張柬之袁恕已崔玄暉為武三思

所殺

武三思陰令人疏皇后穢行勝於天津橋請加廢黜上大怒命李承嘉窮覈其事承嘉奏言敬暉等所為請族誅之上可其奏大理丞李朝隱奏稱暉等未經推鞠不可遽就誅夷乃長流暉於瓊州彥範於瀼州柬之於瀧州恕已於環州玄暉於古州崔湜說三思遣使

矯制殺之三思問誰可者湜以大理正周利用先為五王所惡貶官乃薦之三思使攝侍御史奉使嶺外比至柬之玄暉已歿遇彥範於貴州令左右縛之曳於竹槎之上肉盡至骨然後杖殺得暉尚而殺之恕已素服黃金利用逼之使飲野葛汁盡數升不歿不勝毒憤培地爪甲殆盡仍捶殺之利用還擢拜御史中丞三思既殺五王勢傾人主常言我不知代間何者謂之善人何者謂之惡人但於我善者則為善人於我惡者則為惡人耳時宗楚客宗晉卿紀處訥甘元東皆為三思羽翼周利用冉祖雍李俊宋之遜姚紹之皆為三思耳目時

**集覽**

瓊州在海外唐以崖州之瓊山置瓊州瀼音曩



廣南化外唐置瀼州環州廣南化外唐開生

獠置環州古州廣南溪洞有古州八萬洞屬

思州陪地以手把土**質實**天津橋注見隋煬

也代間代猶言世**帝大業十三年李**

朝隱三原人瓊州注見漢武帝元鼎六年珠

崖環州注見本年鳴沙及原會古州莫詳沿

革唯黎平府城西六十里有古州八萬洞軍

民長官司乃九初所置本朝改為古州蠻

夷長官司仍屬焉未知是否姑錄之以備參

考貴州注見梁武帝大同十一年定州宗楚

客蒲州人宋

之遜西河人

**書法**不書三思殺書為所殺何咎暉等也

惡本不除昧於遠引以自取禍書曰

為所殺咎在我也終綱目書為所殺十詳

漢昭烈帝章武元年張飛五王皆譏不在

也人

**發明**

入綱目以來濫刑濫殺固亦多矣未

有書某人為某人所殺者今五王之

歿所書乃爾何哉武氏亂唐人神共怒敬

暉等并謀協智不遺餘力僅能反正復辟

方是之時儻能深明大義數武氏滅唐社

稷之罪廢而絕之然後取其黨與族類必

燼復張迄至受制賊手駢首屠戮不啻如  
机上肉故綱目於此不書武三思殺敬暉  
等而書暉等為三思所殺變文起義若曰  
三思非能殺暉等暉等自為三思所殺爾  
書法如此所以痛恨諸人不知大義失於  
處斷以至此極是以深為歎惜之也然則  
三思獨無貶乎曰傾覆社稷之黨迷國亂  
朝之賊濁穢官闈之徒其惡猶待貶絕而  
後見  
平

冬十月車駕還西京○十一月以竇從一為雍

州刺史

